

ادبیات کمر و پیکر

هفته لقی سیاسی ، علمی و ادبی غزته در

جلد : ۲

سنه : ۲ ۷ ربیع الاول ۱۳۳۶ ۲۲ کانون اول ۱۹۱۷ نومرو ۱۶ — ۴۷

احمال و فکر

طبعه عثمانیه و اوروپا

ممالک عثمانیه دن ، دائماً ، طونیا لاتولرله اوروپایه خام مواد ، یوئک ، ایپک ، دری ، آفیون کیدیور . بونلر ، اوراده ، غرب عقل وسعینک التحاق وانضمامیله ایشلمش برمتاع ، طریف برقوستوم ، نارین ، وشفاف برچارشاف ، کوزل و صاغلام برقوندره ، برشیشه دوای شافی شککنده اصلنه رجوع ایدیور .

عجبا ، بونک کبی ، بورادن غربه ایشلمه مش سرمایه آدمی کوندروب ، ایشلمش امتعه انسانیه جلب ایتک قابلیدر ؟ بوجهتک ، شیحدیلک ، تدقیق فضولیاتنددر . شوقدر وارکه تا سلطان محمود عدلی عهدندن بری ، مملکت مزده صنف مجدد و ممتاز بوفکره قناعتکار اولدیغندن ، بعضاً آرزو کثرتله چوق ممالک غربیه و بالخاصه فرانسه یه طلبه کوندرمشدر .

آره دن تقریباً بر عصر کچدی . شوخاربه عمومیه رأس تاریخسنده کوچک بریلانچو تنظیم ایتک اقتضا ایدر . کندی کندمزه صوراریز : اولاً - کیدنلر تغرب ایدرک ابنای غربک خصائل آلیه سنه تمثیل ایتدیلر می ؟ ثانیاً - بونلر دن وطن و ملت مستفید اولدی می ؟ ثالثاً - شهراه تکاملده توقف ویاتدن ایدن بر هیئت ، جبرمافاة ایتک ، ایلر یلک ایچون بویله می حرکت ایتلی ایدی ؟

ظنمز سراپای خطا و ذهول دکلسه ، شواسئله ثلثه بزم ایچون برنجی درجه ده حائز اهمیت مواد غامضه و معضله در . اوروپانک بر جاذبه سی وار : حیات مادیه و معنویه اوراده ده طاطلی . اذواق و اشواق ده زیاده اودیارده ده فضله ودها ای یاشانیور . اوروپایه پرکیدن دکل ، اورانک جریان حیاتی طویان و بنا رسملر نی کورهن بیله کشور افرنجک مسحور آهنکی اولیور . بناء علیه ، بر جوجق ، اوروپایه کیتک احتمالی ذهنته برلشدیرر برلشدیرمز ، کلین اوله جفنی قوران بر قیزکی ، معناً بر بجران و مستی لطیفه اوغرییور . لکن ، اطفال حائز پایه رشد اولدقلر ندن کیندی لرینک بوبابده بررأی و مطالعه سی اوله ماز .

قارلی برکان

او کوچوک میلکی دویدم دویالی
 اویدی عقم کوکل آوارہ سنہ . .
 کوزلرم باغلی ، باشم حمالی
 قوشدم عشقک بنی چاگران بسنہ !



صانیکہ قلم سنہ لردنبریدر
 قارلی برطاغ کبی دونمشدی بنم ؛
 قارلی طاغلزده کی برکان کبیدر
 شیمدی عشقکله کوکل یاسمنم .

تخصیص : اھیم

تورکک مثنوی وائر

(بطلمیوس) ہ نظراً قریب تر کتبائے ممدودی

مشہور ہیأت شناس (بطلمیوس) [۱] Ptolémée جغرافیاسندہ یالکتر آسیا (سکیتیا)
 سندن [یعنی آسیا ترکستان قدیمندن] بحث ایدوب بوقطعہ جسیمہ بی ایکی قسمہ تقسیم ایدرہ بری
 (ایما اوس) [۲] Imaiis طاغلرینک بری طرفندہ [یعنی غرب جھتندہ] یولونان (سکیتیا)
 ودیکری مذکور طاغلرک اوتہ طرفندہ [یعنی شرق جھتندہ] کائن (سکیتیا) . مؤلف ہوا یکی
 قسمدن برنجیسنی غرباً (را) Rha [یعنی وولغا] نہری ، جنوباً بحر خزر ایله (اوکسوس)
 [۳] Oxus [یعنی جیحون] نہری ، شرقاً (ایما اوس) طاغلری [۴] و شمالاً اراضی جھولہ

[۱] مصرلی یونانیلردن اولوب ایکنجی قرن میلادینک بدایتندہ تولد ایتشدیر .

[۲] (ایما اوس) داغلری (ہمالایا) طاغلری دیمک ایسہدہ بطلمیوس بورادہ غربی ہمالایا
 طاغلرندن شمالہ متوجہاً آیریلان (بلور) طاغلرینی مراد ایتشدیر .

[۳] (اوکسوس) نہری (اوغوز) نہری دیمکدر .

[۴] اوائلدہ بو طاغلرک شمالاً شمال دہ کیزینہ قدر امتداد ایله دیککی ظن اولنور ایدی .